

Лавҳул маҳфуз ва қалам | Ақийда дарслари (250-дарс)



19:00 / 23.10.2023 1548

Мўмин-мусулмон одам лавҳ ва қаламга ҳам иймон келтиromoғи вожиб. Бу икки нарса ҳам ғайбиёт туркумига киради. Аҳли сунна ва жамоанинг ақоид китоблари ичида энг мўътабарларидан ҳисобланмиш «Шархи «Ақийдатут Таҳовийя» китобида қуидагилар айтилади:

«Лавҳ ва қаламга, унга чизилган жамики нарсага иймон келтирамиз».

Шарҳ: «Лавҳ»дан мурод Аллоҳ ҳалойиқнинг тақдирларини ёзган нарсадир. «Қалам»дан мурод Аллоҳ яратган ва у билан мазкур лавҳга қадарларни ёзган қаламдир.

Бас, лавҳга, қаламга ва қалам билан лавҳга ёзилган нарсага иймон келтириш лозимдир.

Далил:

صَدِيقٌ كُنْتُمْ إِنَّ اللَّهَ دُونِ مِنْ شَهَدَآءَكُمْ وَأَدْعُواْ

۲۳

1. «Йўқ!!! У Қуръони Мажиддир. Лавҳул Мҳфуздадир» (Буруж сураси, 21-22-оятлар).



2. «Нуун. Қалам билан ва сатрларга ёзадиган нарсалар билан қасам» (Қалам сураси, 1-оят).

3. Расулуллоҳ соллаллоҳу алайҳи васаллам шундай деганлар: «Албатта, Аллоҳ лавҳул маҳфузни оқ дурдан яратгандир. Унинг сахифалари ёқутдандир. Қизилдир. Қалами нурдир. Китоби нурдир. Унда ҳар куни Аллоҳ учун уч юз олтмиш лаҳза бор. Унинг кенглиги осмон билан ернинг орасича. Ҳар куни унга уч юз олтмиш марта назар солади. Халқ қиласи. Ризқ беради. Ўлдиради. Тирилтиради. Азиз қиласи. Хор қиласи. Хоҳлаган нарсасини қиласи».

Тобароний «Муъжамул Кабир»да ривоят қилган.

4. Пайғамбаримиз соллаллоҳу алайҳи васаллам шундай деганлар: «Албатта, Аллоҳ биринчи халқ қилган нарса қаламдир. Бас, унга: «Ёз!» деди. У: «Эй Роббим, нимани ёзай?» деди. У Зот таборака ва таоло: «Қиёматгача бўладиган ҳар бир нарсанинг тақдирини ёз», деди.

Абу Довуд Убода ибн Сомитдан ривоят қилган.

«Сунний ақийдалар» китоби асосида тайёрланди

Ушбу китоб Ўзбекистон Республикаси Вазирлар Маҳкамаси ҳузуридаги Дин ишлари бўйича қўмитанинг 2022 йил 22 июлдаги 03-07/5979-рақамли хulosаси асосида чоп этилган.